

Na osnovu člana 88. i 89. Zakona o javnim nabavkama („Službeni glasnik BiH“, broj: 39/14), a nakon ponovno provedenog postupka nabavke putem konkurentskog zahtjeva za dostavu ponuda, objavljenom na Portalu javnih nabavki, broj: 654-7-1-150-3-14/17, dana 04.10.2017. godine i Odluke o dodjeli ugovora, broj: 01/01-1371/20-2017 od 06.11.2017. godine, ugovorne strane

PRIRODNO-MATEMATIČKI FAKULTET Univerziteta u Sarajevu, ulica Zmaja od Bosne 33-35, kojeg zastupa prof. dr. Mustafa Memić, dekan Fakulteta (u daljem tekstu: **Naručilac**),

i

Dijal "M" d.o.o. Sarajevo, Zagrebačka 24/PR, Sarajevo, kojeg zastupa Dina Marevac, direktor (u daljem tekstu: **Izvršilac**) na dan 01.12.2017. godine, zaključuju:

UGOVOR o nabavci robe

I PREDMET UGOVORA

Član 1.

Predmet ovog Ugovora je **snadbjevanje robom - LABORATORIJSKI NAMJEŠTAJ za potrebe Prirodno-matematičkog fakulteta Univerziteta u Sarajevu i ugradnja iste**, a na osnovu provedenog postupka po konkurentskom zahtjevu, objavljenom na Portalu javnih nabavki, broj: 654-7-1-150-3-14/17, dana 04.10.2017. godine.

Cjelokupni ugrađeni namještaj mora ispunjavati zahtjeve koji omogućuju nesmetano funkcioniranje laboratorijskih prostora Prirodno-matematičkog fakulteta Univerziteta u Sarajevu, osiguravati postojanost u slučaju hemijskih i mehaničkih utjecaja i podnositi postupke čišćenja i dezinfekcije. Ugrađeni materijali i radne površine moraju osigurati stabilnost i fleksibilnost instalacije u postojećim prostorijama.

Član 2.

Naručilac se obavezuje da za vrijeme trajanja ovog Ugovora, a u skladu sa ugovorenim uslovima, nabavlja od dobavljača proizvode prema ponudi, a prema specifikaciji, uz ponuđene garancije kvaliteta.

II CIJENE, PLAĆANJE I ISPORUKA

Član 3.

Dobavljač će snadbjevati naručioca po cijenama iz Ponude, koja je sastavni dio ovog Ugovora.

Član 4.

Ukupna ugovorna cijena za predmet Ugovora iz člana 1. Ovog Ugovora, bez poreza na dodanu vrijednost iznosi:

=27.645,00 KM

(Slovima : dvadesetsedamhiljadašeststotinačetdesetpet i 00/100 KM)

Porez na dodanu vrijednost (17%) iznosi:

=4.699,65 KM

(Slovima : četirihiljadešeststotinadevedestdevet i 65/100 KM)

Ukupna ugovorna cijena za predmet Ugovora iz člana 1. Ovog Ugovora, sa porezom na dodanu vrijednost iznosi:

=32.344,65 KM

(Slovima : tridesetdvijehiljadetrístotínečetrdesetčetiri i 65/100 KM)

Član 5.

Ugovorne strane su saglasne da se plaćanje vrši u roku od 15 dana po urednoj isporuci predmeta ugovora i ugradnji, te ispravno ispostavljenjoj fakturi.

Član 6.

Dobavljač se obavezuje da će naručene proizvode isporučiti i ugraditi u roku od 65 (šezdesetpet) dana od datuma pismene narudžbe, mjesto isporuke - prostorije Fakulteta namjenjene za laboratoriju.

Svaki ponuđač dužan je dosljedno pratiti i ispoštovati sve detalje za nesmetan završetak ugradnje u prostorije, uzimajući u obzir sve specifične tehnološke zahtjeve pojedinih dijelova laboratorija. Odstupanja u kvalitetu nisu dopuštena.

Odabrani ponuđač je dužan fizički provjeriti stvarne dimenzije prije same instalacije robe i izvršiti eventualne prilagodbe za neometanu ugradnju. Svi troškovi obavljanja mjerenja i usklađivanja s korisnikom idu na teret ponuđača.

III TRAJANJE UGOVORA

Član 7.

Ugovor traje 6 (šest) mjeseci od dana zaključivanja.

IV RASKID UGOVORA

Član 8.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 30 (trideset) dana unaprijed.

V ZAVRŠNE ODREDBE

Član 9.

Izvršilac kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

Član 11.

Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora nadležan je sud u Sarajevu.

Član 12.

Ovaj Ugovor stupa na snagu danom potpisivanja od strane ovlaštenih lica ugovornih strana.

Član 13.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

Dobavljač:
Dijal „M“ d.o.o. Sarajevo

Direktor



Dina Marevac



Broj: 16/12-2017
Datum: 01.12.2017. godine

Naručilac:
Prirodno-matematički fakultet
Univerziteta u Sarajevu

Dekan



Prof. dr. Mustafa Memić



Broj: 01/01-1371/25-2017
Datum: 01.12.2017. godine